



Na osnovu člana 16. stav (3) tačka z) Odluke o izvršavanju Budžeta Općine Novo Sarajevo za 2025. godinu i člana 7. Pravilnika o uslovima, kriterijima i načinu dodjele sredstava za oblast vrhunskog timskog sporta na području općine Novo Sarajevo („Službene novine Kantona Sarajevo“ broj: 9/25) Općinska načelnica Općine Novo Sarajevo raspisuje

## JAVNI POZIV za dodjelu sredstava za oblast vrhunskog timskog sporta na području općine Novo Sarajevo

### I PREDMET

Predmet ovog Javnog poziva je dodjela sredstava sportskim udruženjima/klubovima radi pružanja finansijske podrške vrhunskom timskom sportu, s ciljem afirmacije ove oblasti sporta i postizanja vrhunskih rezultata. Vrhunski timski sport podrazumijeva sportske aktivnosti klubova koje obuhvataju pripremu i takmičenje ekipa koje na evropskom nivou ostvaruju vrhunske rezultate.

### II PRAVO UČEŠĆA

Pravo na dodjelu sredstava imaju sportska udruženja pod sljedećim uslovima:

- da im je osnovna registrovana djelatnost timski sport,
- da su registrovana kod nadležnog ministarstva pravde u Bosni i Hercegovini,
- da imaju registrovano sjedište na području općine Novo Sarajevo,
- da primarno svoje aktivnosti realizuju na području općine Novo Sarajevo,
- da su se takmičili ili da su plasirani na zvaničnim takmičenjima (ligama) na evropskom nivou.

### III VRSTE TROŠKOVA

Dodijeljena sredstva koristit će se za sufinansiranje aktivnosti sportskih udruženja i to:

- plaćanje troškova održavanja sportskog terena ili sportskog borilišta,
- plaćanje putnih troškova sportskih ekipa i pratećeg osoblja u državi i u inostranstvu,
- plaćanje troškova ishrane sportskih ekipa i pratećeg osoblja u državi i u inostranstvu,
- plaćanje troškova sportskih priprema,
- plaćanje troškova administrativnog osoblja i administrativnih usluga,
- nabavka sportske opreme,
- plaćanje troškova podrške talentovanim sportistima koji su slabijeg imovinskog stanja, a koji su prepoznati kao potencijalni vrhunski timski sportisti,
- ostali troškove koji su neophodni za rad sportskog udruženja (režijski troškovi i slično).

### IV VISINA SREDSTAVA I KRITERIJI ZA DODJELU SREDSTAVA

Sredstva za ovu namjenu su osigurana u Budžetu Općine Novo Sarajevo na ekonomskom kodu 614 300 - Transfer za afirmaciju vrhunskog timskog sporta na području općine Novo Sarajevo u iznosu od 450.000,00 KM.

Raspored navedenih sredstava vršit će se na osnovu sljedećih kriterija:

- broj članova sportskog udruženja:
  - do 1000 - 5 bodova
  - preko 1000 - 20 bodova
- dužina trajanja (tradicije) sportskog udruženja:
  - do 30 godina - 5 bodova

- preko 30 godina - 20 bodova
- c) vlasništvo vlastitog sportskog terena ili sportskog borilišta:
  - ne - 0 bodova
  - vlasništvo - 30 bodova
- d) ostvareni rezultati u posljednje tri godine na europskom nivou:
  - ne - 0 bodova
  - učešće u europskim takmičenjima - 30 bodova.

Ukupan iznos raspoloživih budžetskih sredstava dijeli se proporcionalno broju ostvarenih bodova, prema propisanoj formuli, od čega zavisi i iznos sredstava koja mogu biti dodijeljena podnosiocu prijave.

Pravo na dodjelu sredstava ostvaruju samo oni sportski klubovi, koji su opravdali dodijeljena budžetska sredstva od strane Općine Novo Sarajevo u prethodnoj godini i koji uredno izmiruju obaveze prema pravnim licima čiji je osnivač Općina Novo Sarajevo.

## V POTREBNA DOKUMENTACIJA

- a) Ovjeren i od strane ovlaštenog lica potpisan Prijavni obrazac NS-OB-382,
- b) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci,
- c) uvjerenje o poreznoj registraciji podnosioca projekta (identifikacijski broj),
- d) uvjerenje o poreznoj registraciji indirektnih poreza (ukoliko je korisnik u sistemu PDV-a),
- e) uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda, ne starije, odnosno ne stariji od tri mjeseca od dana objavljivanja Javnog poziva,
- f) dokaz o vlasništvu sportskog terena ili sportskog borilišta,
- g) dokaz o broju članova udruženja,
- h) dokaz o ostvarenim rezultatima u posljednje tri godine na europskom nivou,
- i) dokaz o takmičenjima ili plasmanu na takmičenje (lige) na europskom nivou,
- j) potvrda saveza da je osnovna registrovana djelatnost timski sport,
- k) potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave Javnog poziva,
- l) prijedlog projekta za finansiranje/sufinansiranje koji sadrži aktivnosti usmjerene na pripremu i takmičenje ekipa, s ciljem afirmacije vrhunskog sporta sa detaljnom specifikacijom troškova u skladu sa članom 4. Pravilnika o uslovima, kriterijima i načinu dodjele sredstava za oblast vrhunskog timskog sporta na području općine Novo Sarajevo, odnosno Odjeljkom III ovog Javnog poziva.

**Dokumentacija se podnosi u originalu ili ovjerenoj kopiji ne starijoj od 6 mjeseci.**

## VI ROK PRIJAVLJIVANJA

Rok za predaju prijave na ovaj Javni poziv počinje teći narednog dana od dana objavljivanja Javnog poziva na službenoj web stranici Općine Novo Sarajevo i ostaje otvoren 30 dana od dana objave, odnosno do 18. 04. 2025. godine.

## VII NAČIN PRIJAVE

Prijava na Javni poziv dostavlja se na Prijavnom obrascu NS-OB-382 sa kompletnom zahtijevanom dokumentacijom u zatvorenoj koverti, putem protokola Općine Novo Sarajevo tokom radnih dana (ponedjeljak-petak) ili preporučeno putem pošte, na adresu:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.





**Općina Novo Sarajevo  
Zmaja od Bosne broj 55  
71000 Sarajevo  
Bosna i Hercegovina**

sa naznakom:

**„za Komisiju za odabir korisnika - JAVNI POZIV  
za dodjelu sredstava za oblast vrhunskog timskog sporta na području općine Novo Sarajevo –  
NE OTVARATI“**

**Na koverti mora biti naznačeno: puni naziv udruženja/kluba i adresa sjedišta udruženja/kluba kao  
podnosioca dokumentacije.**

Prijavni obrazac NS-OB-382 nalazi se na web stranici i u šalter sali Općine Novo Sarajevo.

### **VIII NAČIN ODABIRA KORISNIKA**

Odabir korisnika sredstava vrši Komisija za odabir korisnika koju imenuje Općinska načelnica (u daljem tekstu Komisija). Komisija se sastoji od tri člana i jednog zamjenskog člana, koji su uposlenici Općine Novo Sarajevo.

Prijave kandidata koje ne ispunjavaju sve formalne uslove iz Javnog poziva neće biti uzete u razmatranje i neće biti finansirane.

Komisija zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

### **IX OBAVJEŠTAVANJE PRIJAVLJENIH KANDIDATA**

Komisija obavještava kandidate koji nisu ispunili uslove Javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor Općinskoj načelnici u roku od 5 (pet) dana od dana prijema obavijesti.

Prijedlog za finansiranje koji je utvrdila Komisija, Komisija dostavlja svim podnosiocima prijave uz mogućnost ulaganja prigovora Općinskoj načelnici, u roku od 5 (pet) dana, od dana zaprimanja obavijesti. Po konačnosti prijedloga za finansiranje Općinska načelnica donosi zaključak o odobravanju isplate sredstava.

Sa korisnicima sredstava kojima su dodijeljena sredstva sklopit će se Ugovor o namjenskom utrošku sredstava i isti su dužni najkasnije do 15.12.2026. godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Korisnici sredstava čiji se projekti i aktivnosti finansiraju/sufinansiraju putem ovog Javnog poziva u iznosu preko 100.000,00 KM imaju obavezu otvaranja posebnog transakcijskog računa/podračuna za doznačavanje dodjeljenih sredstava. **Prihvataju se troškovi koji su nastali u periodu od 01.01. do 31.12.2025. godine.**


### **X OSTALA PITANJA**

Sve dodatne informacije vezane za Javni poziv mogu se dobiti svakim radnim danom, putem telefona: 033 492 187 i 033 492 189.

Dostavljena dokumentacija neće se vraćati podnosiocima zahtjeva/prijave po ovom Javnom pozivu.

Broj: 16-11-3-2562/25  
Sarajevo, 18.03.2025. godine

**OPĆINSKA NAČELNICA**  
**Prof. dr. Benjamina Karić**



Općina Novo Sarajevo, ulica Zmaja od Bosne br. 55, centralni telefon: (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



